



ГІДРОСИГНАЛІЗАЦІЯ

Tuglia Ministam, Avatiliqiyikkut

Deputy Minister, Department of Environment

## Sous-ministre, Ministère de l'Environnement

Andrew Nakashuk  
Ikhivautalik  
Nunavunmi Parnaiyaiyit  
P.O. Box 2101  
Iqaluktuitiaq, NU X0B 0C0

May 10, 2017

Halu Mr. Nakashuk:

**UUMUUNA:** Nunalingni Kitunuliqaak Tuhaumayakhaat uumanit 2016 *Parnautikhaat*  
**Nunavut Nunanut Aturnikhainnut Parnaiyut**

Quyagivlugit hamna Nunavunmi Parnaiyaiyit (una “Parnaiyaiyit”) havaktiita aulapkaqhimagamik qanilruani Qikiqtani Kitunulikaak Tuhaumayakhaat (una “Qikiqtani Tuhaumayakhaat”) uumanii 2016 *Parnautikhaat Nunavut Nunanut Aturnikhainnut Parnaiyaut* (una “2016 DNLUP”). Hamna havaariyangit hivunngani Nunavut Parnaiyaiyit pivalliavlutik nunallaani-hivituyumik nunanuit aturnikhainnut parnaiyautinga anginiqhauvluni hivullirivluniuglu. Kinguani Qikiqtani Tuhaumayakhaat ihumagiyaulluaqhugu anginiqhauvluni upalungaiyaqhugu piliriakhamut, nalunaiyaqhugulu qaangiqtaugialik haffumani Nunavut Nunanut Aturnikhainnut Parnautikhaq (“NLUP”) nakuuqpiaqtumik ayurnaittumik pivalliayukhaq hivunngani.

Ikaarnaqtumik qaangikhanut haffumanit 2016 Parnautikhaat Nunavut Nunanut Aturnikhainnun Parnaiyaut (DNLUP) hamna hivulliriyauvluniuk Nunavut Kavamanga, kihimi ikayuinnaqhimalaqtavut uumani NLUP ikayuqhimayaat atuagaghavut, ikayuutauniaramik aturaaqhimalugu inuuttiarnaqtumik tamainnut Nunavunmiunut. Nunavut Angirutaat, Nakataq 11 mi, Nunanut Aturnikhainnun ihumagiyaulluaqtangit ilakhaat haffumanit Nunallaativut hivituyuq maliguarutikhanut. Hamna qaangiqaqhimayuq NLUP amiriyaqhaat maliguarutingit pidjariktumik Nunallaami upautiqattaqhimalugit iniqpiaqhimalugit nunanut atuqtakhanut ayuqhautivagaat uumani Nunavunmiut hamnalu havaariyauyukhanut havaakkhaliuqtunut, ihumagiyauyukhaat ayurnaittumik hivunigyaat hamna hivuani kinguvikhaqqut NLUP. Qauyimayatit, Nunavut Kavamanga ihumaaluutigyaat haffumanit 2016 Parnautikhaat Nunavut Nunanut Aturnikhainnun Parnaiyaut (DNLUP) Qinngihimayaqqut uuminngat Parnautitingit inikhaani ihumaaluutinut, uumani tuktut nayuqpaktangit kiglikhaat, uumanilu pitquyaunngittangit pivallianikkut taimaa ittuq naammannngittumik ikayurahuaqtait uumani Parnaiyangit niplautigiyangit titiraqhimaningit ihuittumik amiriyauyut iluani Parnaiyaiyp 2016 *Ihumagiyaat unalu Tukhiutigiyangit titiqlangit.*

.../2



-2-

Uvani Qikiqtani Tuhaumayangit ihumannaqtumik niplautigihimayangit upalungaiyarnigut ihumaaluutigiyauyut, kihimi hivunikhalluaqhimannngittangit nakuudjuhingit ayuqhautingillu uumani 2016 Parnautikhaat Nunavut Nunanut Aturnikhainnut Parnaiyaut (DNLUP) tukhiutigiyangit kigliliuqtauhimayangit pivalliavikhanut. Amihuuyut ilainnaanut niplautigiyauyut avatingnut nakuunngittunik tiliuqhimayangit kigliliuqtakhanut ihumagiyaqhaat hivulliriyaanit ihumagiayayut qanurlikiaq katimaqatauyut piyumayangit "Hapummiyukhaq Nunat" (mikiyumik ilitariyaunngittunigluuniit katimaqatigii ilauqatauyunullu haffuman ikglikhait pitquyauyut uumani kigliliurahuaqtukhat ihumagiayangit) piyumanngitkumiugluuniit. Una avvautigiyangit aulapkaqhimagut hiqumittumik ihumaginnarningit nunalingmiuqatigii qinngigumiuk inikhaanit qitqani nunani iluani nunanut atuqtaunikhainnut tikkuaqtauningit. Tautukhimayavut taamna Nunavut Parnaiyaiyiita turaarvikhaat uvani Qikiqtani Tuhaumayakhaat nalaumattianngittangit pinahuaqtangit uumani nunanut aturnikhainnut ikayuutikhait haffuman "Amiqhaillaqtaqhaat Nunani" unalu "Aallatqiit Aturnikhanut Nunani" kiglikhanut inikhaat, uuminngaluuniit hivituyumik maliguarutkhait piliriakhat ilaliutauhimayut haffumanilauni Nakatait 10-15 haffuman Nunavut Angirunmi. Tamarmi naunairvianit "Hapummiyukhaq Nunat" tikkuarningit ukpiriyaunngitpiaqhutik ahikkut tiliugainit aivaqattautiyangit ihuinaarnirautinut pivallianikkut.

Amihut katimaqatauhimayut ikpighuutauyuq taamna Qikiqtani Tuhaumayakhaat ilaani aivaqattautihimavagaat piliriangit iluani ilauqatauhimayut ihumagiayayut taamna amiriyauvagungnaqhvilitik akihaqtut uumani Nunavut Ihumaliurniq Katimayiingit (NPC), parnauqatigiinahugiyauunngittunlu. Ilaani nalaumayumik uvani Parnaiyaiyinut tuhaumavikhaanut (haffuminngatut, angiqattautigaangat ihumaliuqtakhanut humiliqaak Parnauyaiyit ihumaliuqattautivagaat timiuyut), uvani NLUP tuhaumavikhaat taimaa ilaani nalaumattiaqtumik naammanngittunigluuniit inikhaliurnaqhutik.

Hamna tautuktavut, ukpiriyavuttauq ikayuutauvlutik maligautigut kiuvikhait iluani Nunavut Upalungiyaqtut Havaanut Ihivriuqtangillu Maligaq, SC-Naunaiyainiq Kanata 2013, titiraqninnganilu 14, ilangani 2 ("NuPPAA"), taamna NLUP tuhaumavikhaat atauttimuuriaqahutik nakuuyumik taimaa Parnaiyaiyit – iluani iniliuqtangit hamna NLUP ihuaqhainginnaqtangit timinganit– ihumagiayayut ilitturvikhait unalu nakuuqpiarninga kiuhimayayut ilauqatauhimayunut. Talvanngaanit quviagiyavut taamna Parnaiyaiyit hakugikpiaqhuni uumanngat NuPPAA aulagiangani nanmiriyangit maligautikhait havaatigut, tunihimayangit ihumaliuqtakhaunngittuni tuhaumavikhaanut, ukpiriyavut atauttimut angiqatigiiktukhat angmaumayumiglu piliriakhaq, ayurnaittumik uumani ilauqatauhimayut. Uvagut, naunaittuq, tamapta hivunikhalurahuaqtavut.

.../3



-3-

Una Nunavut Kavamanga ihumaliuqtut amihunik iniqpiaghimayumik tutqinnaqtuniglu niplauqatigiivlutik uumani ilauqatauhimayut uumani 2016 Parnautikhaat Nunavut Nunanut Aturnikhainnut Parnaiyaut (DNLUP) nunamiuqatigiiktunut tuhaumayukhanut. Hamna tukhiutigiyavut ihuaqhainahuarlugulu turaarutaanut katimavikhaat Kivalliq unalu Qitirmiut tuhaumavikhaat malikhugu:

- Tamainnut ilauqatauhimayut angiqtauhimayunit niplautigiyukhat ilittuqhimalugit inmikkut piyumayaulluaqtangillu tukhiutigiyangilluuniit haffuman 2016 Parnautikhaat Nunavut Nunanut Aturnikhainnut Parnaiyaut (DNLUP), hivuani haffuman NPC'p ilitturvikanut takugakhanut;
- Una NPC'p ilitturvikanut takugakhaq uumani 2016 Parnautikhaat Nunavut Nunanut Aturnikhainnut Parnaiyaut (DNLUP) ilauhimanngittut hivituyumik niplautigiyakhaat haffuman qauyimayamingnit amihuuyut DNLUP ihumaaluutainit. Una Nunavut Ihumaliurniq Katimayiingit (NPC) ihumaliuqtukhat iniliurlutik ilaliurnahuarlugit ihumaaluutigiyainnit – katimadjutigilugit qanittunik takupkaitaarumik angirutikhaminiglu pinahuarlutik uumani Parnautikhaat Nunavut Nunanut Aturnikhainnut Parnaiyaut (DNLUP) akihautingit (titiriiqhimayut uvannat Ubluqtuhinia 2017 mit ayurnaittumik turaarutaanut);
- Apiqqutingit hamanngat Parnaiyaiyit ilauqatauhimayunut ilaliutigiyakhaat uumani Parnaiyaiyip qaritauyakkut turaarutaani hivuani katimanahuaqtinnatik, amiriqtumik tuhaumayakhaanit ikaarutaanit. Hamna Parnaiyaiyit ikaaqhimalutik aivaqattautihimalugit apiriyaugaangat, ilauqatauyut katimaqatauyut apirivangniaqqauk Parnaiyaiyinut;
- Ikaarvikhait niplautigiyukhanut uuminngaluuniit tamainnut katimaqattautiyukhat apiqquutikhanut hivulliuyukhat hivunikhanut apiqhurlugit tutqittiarnaqtumik nunalngni katimaqatauyunut niplautigilugillu uumani 2016 Parnautikhaat Nunavut Nunanut Aturnikhainnut Parnaiyaut (DNLUP) tukhiutauhimayunut kigliliurahuatningit;
- Katimadjutit ikaarnikkut igalaangit ilaliutiyukhat hivunngani tuhaumanikkut katimanahuaqtinnatik;
- Kammissinait akhuuqtukhat niplautigiyait hiniraanunngaqhimaittumik, ihuaqtumik, atauttimuuqhimaittumik, ninngaumayumik akihaqhimaittumiglu;
- Kammissinait niplauqatigiyukhaunngittut hiviyutumik itquumanianut uqariiqhimanikkut ilaliutigiyait katimapkaiyut;

.../4



-4-

- Nalaumattiaqtumik piyukhauuyut uumani 2016 Parnautikhaat Nunavut Nunanut Aturnikhainnut Parnaiyaut (DNLUP) nunanut aturnikhainnut tikkuarningit uuminngat "Hapummiyukhaq Nunat" unalu "Amiqhaillaqtakhaat Nunani" tamarmik ilingayut
- hapummiyukhat ilaliutihimayangit ukiuraalungmi ukiunginnaanillu hulidjuhiq kigliliuqhimayut, ihumagilugillu; una
- Parnaiyaiyit havaktit piyukhaunngittut kiudjuhikhanut parnaiyautinga numikhimayut piliriakhanut tamatkirknahuarluniuk amiakkungit NLUP ihuinaangit, ilahimaittumik tutqirnaqtumik tamatkiumayangit haffumani Parnaiyaiyim hulidjutikhait pilimmakharahuarlugit parnautingit numiktauningit.

Naammagittiaqtavut ilvit ihumaginiaqtatit tukhiutigiyangit ihumaliurlugit, hivunnganut iniliurahuarlugit hivuani qaangiqtaaqhimayunut 2016 Parnautikhaat Nunavut Nunanut Aturnikhainnut Parnaiyaut (DNLUP).

Pittiarnikkut,

David Akeeagok  
Avatiliqiyit Ministanga Tugliriyaa  
Havakviat Avatiliqiyit  
Nunavut Kavamanga

Tuyuqtauyullu: James T Arreak, Chief Executive Officer, Nunavut Tunngavik Timigutaat  
Steven Vandine, Assistant Deputy Minister, Inuliqiyit Ukiuqtaqtumi Kanata